

Bosna i Hercegovina
Federacija Bosne i Hercegovine
TUZLANSKI KANTON
Ministarstvo prostornog uređenja i zaštite okolice

Na osnovu člana 29. Zakona o izvršenju budžeta Tuzlanskog kantona za 2011. godinu («Službene novine Tuzlanskog kantona broj: 4/11) i Programa raspodjele namjenskih sredstava Ministarstva prostornog uređenja i zaštite okolice za 2011. godinu, a u skladu sa Odlukom o utvrđivanju uvjeta, kriterija i postupka za raspodjelu namjenskih sredstava iz ekoloških naknada, Ministarstvo prostornog uređenja i zaštite okolice raspisuje:

JAVNI POZIV

*javnim preduzećima sa područja Tuzlanskog kantona
za kandidovanje projekata iz oblasti zaštite okolice*

1. Pravo učešća na javnom pozivu:

Pravo učešća na javnom pozivu imaju javna preduzeća, koja imaju sjedište, obavljaju djelatnost i realiziraju projekte na području Tuzlanskog kantona.

2. Sredstva se raspodjeljuju za projekte iz zaštite okolice koji se odnose na sljedeće:

1. proširenje područja organiziranog skupljanja otpada,
2. selektivno skupljanje otpada,
3. poboljšanje energetske efikasnosti i
4. unapređenje korištenja obnovljivih izvora energije.

3. Podnosioci prijave dužni su dostaviti slijedeću dokumentaciju kojom dokazuju ispunjavanje uvjeta:

1. izvod iz sudskog registra društava (bez djelatnosti),
2. uvjerenje o poreskoj registraciji,
3. spesimen potpisa iz banke osoba odgovornih za finansije,
4. dokaz da nije pod stečajem ili likvidacijom,
5. dokaz da pravno lice nije osuđeno u sudskom postupku za kršenje zakona u smislu njihovog poslovnog ponašanja u razdoblju od pet godina,
6. mišljenje općine o kandidovanom projektu,
7. izvještaj o realizaciji i utrošku sredstava za javna preduzeća koja su dobila sredstva od ovog Ministarstva, ukoliko ista nisu ranije u potpunosti opravdana, odnosno nisu ovu obavezu izvršila ranije,
8. projekat potpisan i ovjeren od strane podnosioca na posebnom obrascu.

Dokumenti navedeni pod 1., 4. i 5. ne mogu biti stariji od tri mjeseca.

Svi dokumenti se prilažu u originalu ili ovjerenoj kopiji.

4. Projekat koji će se uzeti u razmatranje se dostavlja na posebnom obrascu i treba da sadrži:

1. naziv projekta,
2. oblast zaštite okolice na koju se odnosi projekat iz tačke 2. javnog poziva,
3. ciljevi projekta (na koji način doprinosi rješavanju problema),
4. detaljni opis projekta (opisati po segmentima i po mogućnosti kvalifikovati sve projektne aktivnosti i dinamiku realizacije), sa eventualnom potrebnom prapatnom dokumentacijom (skice, planovi, crteži, fotografije, CD prezentacije i slično),
5. specifikaciju troškova sa visinom sredstava koje se potražuju od Ministarstva (navesti detaljnu specifikaciju),
6. rok realizacije projekta,
7. sufinansiranje projekta (navesti u procentima ukoliko ima sufinansiranja),

8. usklađenost djelatnosti javnog preduzeća sa odredbama Zakona o zaštiti okoliša (dati podatke i dokaze o posjedovanje okolinske dozvole ukoliko je obavezna) i
9. podatke o kontakt osobi vezano za realizaciju projekta (ime i prezime, kontakt adresa, telefon i e-mail).

5. Prijedlog raspodjele sredstava

Prijedlog raspodjele sredstava za javna preduzeća utvrdit će se na osnovu slijedećih kriterija:

1. oblast zaštite okolice,
2. rok realizacije projekta,
3. sufinansiranje projekta i
4. usklađenost djelatnosti projekta sa odredbama Zakona o zaštiti okolice.

6. Broj projekata i iznos sredstava:

Podnosioci prijave imaju pravo na javni poziv prijaviti jedan projekat.

Maksimalni iznos koji se javnom preduzeću može odobriti za projekt je 50.000 KM.

NAPOMENA: Pravo učešća na javnom pozivu nemaju javna preduzeća kojima su u 2011. godini dodijeljena sredstva od ovog Ministarstva.

7. Način prijave:

Prijave se predaju na adresu:

Tuzlanski kanton
Ministarstvo prostornog uređenja i zaštite okolice
Pisarnica Vlade TK (Slatina br. 2) (sa naznakom: „ZA JAVNI POZIV – NE OTVARATI“)

Rok za podnošenje prijave je 8 dana od dana objavljivanja javnog poziva u dnevnim novinama. Javni poziv za dodjelu sredstava zajedno sa propisanim obrascem iz tačke 4. javnog poziva će biti objavljen i na zvaničnoj web stranici Vlade Tuzlanskog kantona www.vladatk.kim.ba.

Neblagovremene i nepotpune prijave neće se uzeti u razmatranje.